

**'Himpunan 325' mungkin jejakkan BN pada PRU-13**

**MalaysiaKini.com**

**March 23, 2012**

**By Kuek Ser Kuang Keng**

Walaupun Perdana Menteri Datuk Seri Najib Abdul Razak semalam berjanji akan cuba menyelesaikan isu-isu berdekad-dekad lama yang dibangkitkan oleh persatuan pendidikan Cina, namun ahli-ahlinya bertekad meneruskan perhimpunan mega yang dirancang Ahad ini.

NONEMenurut pemerhati, perhimpunan yang dianjurkan oleh Persatuan Jawatankuasa Sekolah Cina atau lebih dikenali sebagai Dong Zong yang menamakan protes itu sebagai 'Himpunan 325' mampu memberi kesan kepada BN pada pilihan raya umum akan datang.

Majlis itu akan diadakan pada jam 11 pagi di Kolej New Era di Kajang, Selangor dan dijangka menarik lebih 3,000 peserta dari seluruh negara, termasuk 250 persatuan dan dewan perniagaan Cina serta beberapa kumpulan pendidikan.

Acara di kolej swasta milik Dong Zong itu juga bertujuan untuk menyatukan masyarakat Cina dalam tuntutan mereka mendesak kerajaan memindahkan ratusan guru-guru yang tidak mempunyai kelayakan bahasa Cina mengajar di sekolah rendah Cina.

new era college 230110Ia juga bertujuan untuk memamparkan diskriminasi terhadap sistem pendidikan Cina, khususnya mengenai bilangan guru yang tidak mencukupi yang telah menghantui sekolah-sekolah Cina selama lebih tiga dekad lalu.

Menurut akhbar Cina Sin Chew Daily, pihak penganjur juga telah mula memasang khemah besar di padang kolej dan menyediakan sepanduk serta kain rentang bagi memaklumkan mengenai majlis itu.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/192973>



